



REPUBLIKA E SHQIPERISË
BASHKIA VLORE

3404 Prot

Vlore, më 20.03.2023

PROJEKT – VENDIM
Nr. _____, datë _____.____. 2023

PËR SHITESË DHE NDRYSHIM NË VKB NR. 87, DATË 23.12.2022 “PËR MIRATIMIN E NUMRIT TË PUNONJËSVE TË BASHKISË INSTITUCIONEVE TË VARËSISË DHE FUNKSIONEVE TË DELEGUARA – 2023”

Bazuar në Ligjin 139/2015 “Për vetëqeverisjen vendore”, neni 8 pika 2, neni 9, pika 1.1.b Kreu III, neni 64, pika c Kreu X, VKM nr. 625, datë 28.09.2022 “ Për disa shtesa dhe ndryshime në VKM nr.165, datë 02.03.2016 “Për Grupimin e Njësive të Vetëqeverisjes Vendore, për efekt page, dhe caktimin e kufijëve të pagave të funksionarëve të zgjedhur e të emëruar, të nëpunësve civilë e të punonjësve administrativë të njësive të vetëqeverisjes vendore”, i ndryshuar, VKB nr 87, datë 23.12.2022 “Për miratimin e numrit të punonjësve të Bashkisë, Institucioneve të Varësisë dhe Funksioneve të Deleguara - 2023”, VKB Nr. ____, date _____.____.2023 “Për Miratimin e Planit Vendor te Menaxhimit te Integruar te Mbetjeve”, V.K.B Nr.1, dt.18.01.2023 “Për miratimin e buxhetit të Bashkisë Vlorë për vitin 2023”, VKB Nr 23, datë 28.03.2022, “Për një ndryshim në VKB nr.78, datë 02.12.2021 “Për miratimin e numrit të punonjësve të Bashkisë, Institucioneve të Varësisë dhe Funksioneve të Deleguara - 2022” dhe Kontrata me Nr. 5227/1 Prot, datë 03.07.2020 “Shërbimi i Pastrimit në qytetin e Vlorës (03.07.2020 -02.07.2023)

V E N D O S A:

1. Të miratoj kalimin e kryerjes së shërbimit të pastrimit në Bashkisë Vlorë nga shërbim me sipërmarrje në shërbim të vetë pranë Sektorit të Pastrimit, në Ndërmarrjen e Shërbimeve Publike.
2. Të miratoj ndryshimin në numrin e punonjësve të Ndërmarrjes së Shërbimeve Publike si më poshtë:

Ndërmarrja e Shërbimeve Publike

ishte 224 –bëhet 374 punonjës

3. Të miratoj pagën për pozicion të punonjësve në Sektorin e Pastrimit, Ndërmarrja e Shërbimeve Publike si më poshtë:

Sektorin e Pastrimit, Ndërmarrja e Shërbimeve Publike

Pozicioni	Klasa	Shtesa per pozicion
Përgjegjës	IIIA/1	60.000

Ekonomist	IVA	52,000
Inxhinier mekanik	IVA	52,000
Inxhinier Mjedisi	IVA	52,000
Mbikqyrës		41,700
Magaznier		41,700
Shofer		41,700
ND/MB		41,700
Mekanik		41,700

4. Punonjesit e Sektorit përveç pagës bazë, përfitojnë shtesën për vjetërsi në punë. Kjo shtesë aplikohet në masën 1% mbi pagën bazë të kufirit minimal, të përcaktuar për çdo klasë. Për llogaritjen e kësaj shtese merret për bazë vjetërsia e përgjithshme në punë, por jo më shumë se 25 vjet.
5. Për zbatimin e këtij vendimi ngarkohet Kryetari i Bashkisë.
6. Ky Vendim hyn në fuqi sipas Ligjit 139/2015 “Për vetëqeverisjen vendore”, neni 55, pika 6.

Konceptoi: L.Brinja

D.Zeraj

S.Haxhiraj

KRYETAR
Dritan Leli



REPUBLIKA E SHQIPERISË
BASHKIA VLORË
DREJTORIA E BURIMEVE NJERËZORE

Nr. 3404 Prot

Vlorë, më 20.03.2023

RELACION

për

Projekt-Vendimin “PËR SHITESË DHE NDRYSHIM NË VKB NR. 87, DATË 23.12.2022 “PËR
MIRATIMIN E NUMRIT TË PUNONJËSVE TË BASHKISË INSTITUCIONEVE TË VARËSISË
DHE FUNKSIONEVE TË DELEGUARA – 2023”

Të nderuar këshilltarë,

Bazuar në Ligjin Nr.139/2015, datë 17.12.2015 “Për vetëqeverisjen vendore”, i ndryshuar, neni 8 pika 2, neni 9, pika 1.1.b, të Kreut III, neni 54 pika ç, Kreu IX, neni 64, pika a, b, c, ç dhe d të Kreut X, është kompetencë e Këshillit Bashkiak miratimi i nivelit të pagave dhe shpërblimeve të punonjësve dhe të personave të tjerë, të zgjedhur ose të emëruar në përputhje me legjislacionin në fuqi, dhe miratimin e numrit maksimal të punonjësve të Bashkisë dhe institucioneve të varësisë, ju informojmë:

Në kuadër të projektit të “Menaxhimit të Integruar të Mbetjeve”, Bashkia Vlorë ka përfituar makineri dhe pajisje për shërbimet e pastrimit, përfshirë kontejnerë për grumbullimin e mbetjeve, ka përfituar trajnimin e punonjësve në lidhje me menaxhimin e integruar të mbetjeve, si dhe do të ndërmarrë masa dhe aktivitete për informimin, ndërgjegjësimin dhe angazhimin e qytetarëve dhe bizneseve në proceset e menaxhimit të mbetjeve. Bashkia ka mundësuar vendosjen e 1115 kontejnerëve të rinj për grumbullimin e mbetjeve, si dhe do të mundësojë instalimin e 50 kontejnerëve nëntokësorë në 25 pika, në zonën turistike të Lungomares, dhe vendosjen e 100 kontejnerëve depo për mbledhjen në mënyrë të diferencuar të mbetjeve të riciklueshme.

Për pikën 1: Ofrimi i shërbimeve të pastrimit të Bashkisë deri në datën 02.07.2023 është i kontraktuar me Sipërmarrje Private. Duke marr shkas nga perfundimi i afatit të kësaj kontrate, Bashkia kërkon kalimin e kryerjes së shërbimit të pastrimit në qytetin e Vlorës nga sipërmarrje në shërbim të vetë, pranë Ndërmarrjes së Shërbimeve Publike (NSHP), nëpërmjet Sektorit të Pastrimit të Ndërmarrjes.

NSHP ka marrë në dorëzim një numër pajisjesh për shërbimet e pastrimit të cilat do të jenë në funksion të këtij sektori.

Mjetet që janë marrë në dorëzim nga NSHP janë:

- Një (1) mjet për pastrimin e plazhit. Turizmi dhe rrjedhimisht plazhet në funksion të zhvillimit të turizmit cilësor, luajnë një rol kyç për ekonominë e Bashkisë Vlorë. Përdorimi i këtij mjeti do të mundësojë pastrimin e plazheve në mënyrë të rregullt dhe efektive. Plazhet e pastra do të risin promovimin e Vlorës si destinacion turistik.

- Tre (3) mjete transportuese me dopiokabinë për punonjësit e NSHP të Bashkisë Vlorë, do të përdoren për transportin e punonjësve dhe pajisjeve të pastrimit të mbetjeve në drejtim të dhe nga zonat e shërbimit të pastrimit nga mbetjet.
- Një (1) kamion i hapur dhe një (1) fadromë. Fadroma do të përdoret për pastrimin e vend depozitimeve të paligjshme të mbetjeve, pastrimin e brigjeve të lumenjve.
- Një (1) kamion me vinç dhe 100 kontenierë depo. Kontenierë depo për grumbullimin e diferencuar të mbetjeve të riciklueshme do të vendosen në Rajonin nr. 3 të Qytetit të Vlorës, në kuadër të projektit pilot i cili do të ndihmojë në uljen e volumit të mbetjeve që do të shkojnë në landfillin e Sherishtës, në arritjen e objektivave të strategjisë kombëtare të mbetjeve dhe planit vendor të mbetjeve të Bashkisë Vlorë, në rritjen e të ardhurat e Bashkisë dhe në mbështetjen e industrisë së riciklimit.
- Dy (2) kamionë autofshesë (2m3 dhe 5m3). Këto autofshesa do të rrisin cilësinë e pastrimit dhe të ajrit. Ato do të përdoren edhe në fshirjen e rrugëve të asfaltuara të tjera që nuk mbulohen nga shërbimet e pastrimit të operatorëve privatë.
- Gjashtë (6) kamion kompaktor (20 m3) për mbledhjen e mbetjeve.
- Gjashtë (6) kamion kompaktor (10 m3) për mbledhjen e mbetjeve.
- Katër (4) kamion (6 m3) për mbledhjen e mbetjeve. Kamionët kompaktor do të përdoren për grumbullim të mbetjeve urbane në pikat e koshave të caktuara nga Bashkia, si dhe mbetjeve përreth koshave deri në distancën prej 4m nga koshi.
- Një (1) kamion me vinç.

Për pikën 2 dhe 3: Ofrimi i shërbimeve të pastrimit nga kjo ndërmarrje dhe përdorimi i këtyre mjeteve të reja kërkon punonjës shtesë pranë NSHP. Organika e NSHP do të bëhet 374 punonjës, sipas tabelës. Sektori i pastrimit kërkon të ketë punonjës në dispozicion. Struktura me 150 pozicione sipas kontratës së sipërmarrjes do të kalojë e gjitha pranë Sektorit të Pastrimit në NSHP. Në këtë drejtim do të synohet të punësohen të gjithë punonjësit që do të dalin të papunë, si pasojë e përfundimit të kontratës së lidhur midis Bashkisë Vlorë dhe subjektit sipërmarrës.

Sektori i Pastrimit, Ndërmarrja e Shërbimeve Publike

Pozicioni	Klasa	Shtesa per pozicion
Përgjegjës	IIIA/1	60,000
Ekonomist	IVA	52,000
Inxhinier mekanik	IVA	52,000
Inxhinier Mjedisi	IVA	52,000
Mbikëqyrës		41,700
Magaznier		41,700
Shofer		41,700
ND/MB		41,700
Mekanik		41,700

Për sa më sipër dhe në përmbushje të standarteve të shërbimit të pritshëm të pastrimit dhe operimin e mjeteve dhe pajisjeve të reja të pastrimit janë marrë në dorëzim nga Bashkia, bazuar edhe në analizën dhe përlogaritjet e nevojës për punonjës nga Konsulenti i Masave Shoqëruese, që financohet nga KfW, i propozoj Këshillit Bashkiak miratimin e shtesës së numrit të punonjësve në Sektorin e Pastrimit, NSHP, Bashkia Vlorë

Nga sa më lart ftojme këshilltarët ta votojnë këtë projekt-vendim.


KRYETAR
Dritan Leli
